

BASES PARA A CONVOCATORIA DE AXUDAS PARA MATERIAL ESCOLAR E TRANSPORTE DE ESTUDANTES NO CURSO 2019-2020

1. OBXECTO E FINALIDADE DA CONVOCATORIA

As presentes bases rexerán a convocatoria de concesión de axudas en concorrencia competitiva para adquisición de equipamento e material escolar, e axuda de transporte dos/as alumnos/as empadroados/as e escolarizados/as nos seguintes cursos:

- Educación Infantil (2ª etapa de 3 a 5 anos): material escolar.
- BAC (alumnos residentes en Guitiriz matriculados en centros fora do noso municipio): transporte.
- Ciclos formativos e Universidade: transporte.

O fin último destas axudas é o de favorecer a integración socio laboral dos pais, nais, titores ou acolledores, apoiando a unidade familiar que, por escaseza dos seus recursos económicos, non poden afrontar o custo do servizo, ó abeiro da competencia atribuída aos concellos polo artigo 5 da Lei 3/1997, do 9 de xuño, de protección xurídica, económica e social a familia, e que posibilita aplicar medidas tanto preventivas como paliativas para garantir as necesidades básicas daquela no eido da vivenda, educación, cultura e o traballo.

Estas axudas encádranse dentro da Liña 3 “Cooperación, solidariedade e desenvolvemento humano.” do Plan Estratéxico de Subvencións do Concello de Guitiriz 2019-2020.

As axudas irán destinadas ás familias, tendo en conta o seu poder adquisitivo, do municipio e serán compatibles con calquera outra que perciban polo mesmo concepto.

2. BENEFICIARIOS

A presente convocatoria establece como beneficiarias as familias empadroadas no Concello de Guitiriz que teñan aos menores ao seu cargo matriculados en centros de ensino público no nivel de Educación Infantil (2ª Etapa, de 3 a 5 anos), BAC; así como matriculados en ciclos formativos ou universitarios.

Os solicitantes deberán cumprir, ademais dos requisitos recollidos no artigo 13.2 da Lei 18/2003, de 17 de novembro, Xeral de Subvencións, os que de seguido se relacionan:

- 1.- A unidade familiar deberá estar empadroadada e residir de modo efectivo no Concello de Guitiriz.
- 2.- Convivir, nesa unidade familiar, as/os alumnas/os para os que se solicita as axudas.
- 3.- Estar matriculado na segunda etapa de educación infantil, en centros de ensino público no Concello de Guitiriz ou no colexio Baamonde do Concello de Begonte. Para BAC (alumnos matriculados en centros fora do Concello de Guitiriz), ciclos formativos ou universitarios, estar matriculados en calquera universidade ou centro de formación público fora do Concello de Guitiriz.
- 4.- Non estar incurso nas prohibicións para obter a condición de persoa beneficiaria, recollidas no artigo 10 da Lei 9/2007, do 13 de xuño, de subvencións de Galicia.
- 5.- Ter presentada a solicitude e documentación no prazo establecido.
- 6.- Para poder optar a estas axudas, a unidade familiar deberá ter obtido, durante o ano 2018 uns ingresos ponderados inferiores ó 1.5 do IPREM anual con pagas extras (fixado na cantidade de 7.519,59 euros, 14 pagas), polo que os ingresos deberán ser



inferiores a 11.279,38 euros.

Para a ponderación de ditos ingresos aplicarase o seguinte baremo:

Núm. de membros da unidade familiar	Coefficiente de ponderación
1	1
2	0,90
3	0,80
4	0,70
5	0,60
Máis de 5	0,50

No caso de existir un menor na unidade familiar cunha discapacidade recoñecida entre o 33% e o 65%, este fillo computará como dous membros, no caso de que a discapacidade sexa superior ao 65% este fillo computará por tres membros.

Non obstante, cando as circunstancias económicas actuais non sexan coincidentes coa contía da declaración do IRPF no momento da presentación da solicitude da axuda, teranse en conta estas últimas, sempre que se xustifiquen documentalmente, segundo o establecido na base 6ª.

A efectos destas axudas, considérase unidade familiar a formada polo pai, nai, titor ou persoa encargada da garda e protección do menor, así como os seus fillos solteiros menores de vinteseis anos que convivisen no domicilio familiar ata a data da publicación da presente convocatoria.

A separación transitoria motivada por razóns de estudo, traballo, tratamento médico ou outras causas similares, non rompe a convivencia para estes efectos.

3. OBRIGAS DOS BENEFICIARIOS

As xerais recollidas no artigo 8 da Ordenanza Xeral de Subvencións, no artigo 11 da Lei de Subvencións de Galicia e no artigo 14 da Lei Xeral de Subvencións, e as seguintes:

- a) Cumprir todas as estipulacións establecidas nas bases da convocatoria.
- b) Responder da veracidade dos datos da solicitude.

4. CONTÍA E LÍMITE DAS AXUDAS

O importe das axudas non poderán ser inferiores a 100 euros nin superar os 300 euros por alumno no caso de axudas ao transporte, nin ser inferiores a 75 euros nin superar os 100 euros por alumno no caso de axudas a material escolar para os alumnos do 2º ciclo de educación infantil. As axudas que se regulan nestas bases terán carácter único e non acumulativo, de tal maneira que só poderá concederse unha axuda no mesmo ano para o mesmo concepto.

5. APLICACIÓN ORZAMENTARIA

Para o financiamento destas subvencións destínase un crédito de 25.000,00 euros que se imputará á aplicación 326/481.00 do orzamento de gastos do ano 2019.

6. SOLICITUDES

O impreso de solicitude (Anexo I) poderá obterse nas oficinas dos Servizos Sociais Municipais, no Rexistro Xeral do Concello de Guitiriz, sito na rúa do concello, nº 4,



Guitiriz, ou na páxina web do Concello de Guitiriz (www.concellodeguitiriz.com)

A documentación que deberán achegar xunto coa solicitude será a seguinte de acordo cos modelos que figuran como anexos ás presentes bases:

- Fotocopia compulsada do carné de identidade do/da solicitante.
- Fotocopia compulsada do Libro de familia.
- Certificado de empadramento e de convivencia.
- Fotocopia compulsada da matrícula no centro escolar ou universitario ou certificado do centro segundo o Anexo II.
- Declaración responsable conforme ao Anexo IV.
- De ser o caso, fotocopia compulsada do certificado do grao de discapacidade no caso de que algún fillo estea afectado por ela, ou resolución de invalidez.
- Certificado da entidade bancaria no que conste o código de conta do cliente para percibir a axuda de material escolar. O titular de dita conta deberá coincidir co solicitante da axuda.
- De ser o caso, copia da sentenza de separación, divorcio ou nulidade, xunto co convenio regulador, en defecto destes, declaración xurada de percibir ou non pensión alimenticia a favor de fillo/a a cargo.
- Xustificación de ingresos de tódolos membros da unidade familiar maiores de 18 anos que convivan no domicilio, da seguinte forma:

a) Traballadores/as en activo:

a.1) Traballadores/as por conta allea

. Declaración de IRPF correspondente ó ano 2018, de non estar obrigados á súa presentación Certificado de imputacións expedido pola Axencia Tributaria.

Fotocopia das tres últimas nóminas.

a.2) Traballadores/as autónomos:

. Declaración de IRPF correspondente ó ano 2018, de non estar obrigados á súa presentación Certificado de imputacións expedido pola Axencia Tributaria.

Fotocopia de pagamentos a conta do IRPF do primeiro trimestre do ano 2019, para empresarios ou profesionais.

b) Pensionistas:

Xustificante da pensión/s mensual (INSS, ISM, clases pasivas, outros).

c) Demandantes de emprego con prestación/subsidio:

Certificado de prestacións do INEM dos últimos 6 meses, con indicación da contía mensual que corresponda e período recoñecido.

d) Demandantes de emprego sen prestación:

Fotocopia da tarxeta de demandante de emprego actualizada.

e) Perceptores/as de RISGA.

A documentación figura no departamento de Servizos Sociais, polo que non terán que achegar xustificante da contía mensual.

f) Acollemento familiar remunerado.

Xustificante da contía mensual da prestación.

g) Salario da liberdade.

Xustificante da contía mensual da prestación.

h) Emigrantes retornados:

Ingresos percibidos no país de orixe.



i)Outros: Se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar.

□ informe social.

7. LUGAR E PRAZO DE PRESENTACIÓN

A instancia coa documentación solicitada presentárase no Rexistro Xeral do Concello de Guitiriz , sito na rúa do concello, nº 4 de Guitiriz ou calquera das formas previstas no artigo 16.4 da Lei 39/2015, do 1 de outubro, do Procedemento Administrativo Común.

O prazo de presentación será de 15 días hábiles a contar dende o seguinte ao da publicación do extracto da convocatoria destas bases no Boletín Oficial da Provincia, publicación que se levará a cabo a través da Base Nacional de Subvencións (BDNS) de conformidade co previsto nos artigos 17.3b) e 20.1 e 8a) da Lei 38/2003, do 17 de novembro, xeral de subvencións. As bases completas publicaranse no Taboleiro de Edictos e na páxina web do Concello de Guitiriz, así como todas as demais resolucións desta convocatoria. As bases e os seus anexos estarán a disposición dos interesados no Rexistro Xeral do Concello e nas dependencias dos Servizos Sociais Municipais.

Se as solicitudes presentadas non reunisen os requisitos sinalados, requirirase ós/ás interesados/as para que no prazo máximo e improrrogable de dez días subsanen as anomalías advertidas, de non facelo teráselle por desistido da súa solicitude.

8. VALORACION DAS SOLICITUDES.

As solicitudes valoraranse tendo en conta os ingresos da unidade familiar, o número de membros da unidade familiar, as situacións particulares acreditadas, a distancia entre o domicilio e a localidade do centro de ensino (nas axudas ao transporte), e o número de solicitudes presentadas que cumpran cos requisitos recollidos no punto 2º.

A comisión poderá requirir ós/ás interesados/as para que no prazo máximo e improrrogable de dez días xustifiquen ou acrediten mellor os ingresos da unidade familiar.

O importe das axudas serán os seguintes:

- Educación Infantil (2ª etapa de 3 a 5 anos): entre 75 e 100 euros para axuda de material.
- BAC: entre 100 e 300 euros para desprazamentos.
- Ciclos formativos e Universidade: entre 100 e 300 euros para desprazamentos.

Os importes anteriores poderán reducirse en proporción ás solicitudes presentadas tendo en conta o límite orzamentario aprobado.

A comisión de valoración, que valorará as solicitudes presentadas e emitirá a proposta de resolución ao órgano competente para conceder as subvencións, estará composta pola alcaldesa, a concelleira de servizos sociais, unha técnica dos servizos sociais comunitarios e o interventor municipal.

A comisión actuará de conformidade co establecido no artigo 11.5 da Ordenanza Xeral de Subvencións do Concello de Guitiriz.



9. RESOLUCIÓN

A Xunta de Goberno Local, á vista da proposta da comisión de valoración resolverá o procedemento de acordo co disposto no artigo 11.6 da Ordenanza Xeral de Subvencións do Concello de Guitiriz.

O prazo máximo para resolver será dun mes, a contar dende o remate do prazo establecido para presentar as solicitudes.

10. PAGO E REINTEGRO DE SUBVENCIONES

As axudas de material escolar aboaranse, unha vez xustificado o gasto coas correspondentes facturas, ou xustificante acreditativo do gasto correspondente.

As facturas deberán conter, como mínimo, os seguintes requisitos:

- * Nome, razón social e NIF ou CIF de quen emite a factura.
- * Desagregación do IVE ou imposto correspondente; no caso de exención, deberá facerse constar expresamente na factura.
- * Nome e NIF ou CIF do beneficiario da subvención, debendo estar expedida a factura a nome da persoa solicitante da subvención.
- * Relación detallada do que se adquiriu
- * Número de factura, data e lugar de emisión e denominación de "factura".
- *Mención expresa de estar pagada.

As axudas de material escolar deberán xustificarse no prazo dun mes dende a recepción da notificación de concesión da axuda.

Os beneficiarios das axudas de transporte deberán presentar unha vez finalizados os estudos e, como máximo, ata o 13 de setembro de 2020, o seguinte:

- Certificado que acredite que se presentaron, como mínimo, ao 50% das materias nas que se estaba matriculado. Preferiblemente este documento será expedido polo centro de estudos correspondente. No caso contrario, admitirase copia do boletín de notas ou do expediente académico no que se acredite esta circunstancia.

Se a xustificación presentada non reunisen os requisitos sinalados, requirirase ós/ás interesados/as para que no prazo máximo e improrrogable de dez días subsanen as anomalías advertidas, de non facelo teráselle por desistido da súa solicitude.

Tendo en conta que estas axudas son de interese social, pola situación das familias as que van dirixidas, terán a consideración de carácter especial, polo que o importe da subvención poderá supoñer o cen por cen da totalidade do gasto.

Procederá o reintegro das cantidades percibidas, nos casos previstos na Lei Xeral de Subvencións e na Lei de Subvencións de Galicia (art. 36 e 37 respectivamente), e nos casos previstos no artigo 12.6 da Ordenanza Xeral de Subvencións do Concello de Guitiriz.

11. RECURSOS

Contra a resolución definitiva, que esgota a vía administrativa, os interesados poderán interpor recurso potestativo de reposición perante a Xunta de Goberno Local, no prazo dun mes, ou ben directamente o recurso contencioso - administrativo, no prazo de dous meses, perante o Xulgado do Contencioso - Administrativo de Lugo.



12. DISPOSICIÓN ADICIONAL

No non previsto nas presentes bases estarase ao disposto na ordenanza xeral reguladora da concesión de subvencións municipais e, de xeito supletorio, na Lei 38/2003, do 17 de novembro, Xeral de subvencións, no RD 887/2006, de 17 de novembro, polo que se aproba o Regulamento da Lei 38/2003, e na Lei 9/2007, do 13 de xuño, de subvencións de Galicia.

ANEXO I

SOLICITUDE DE AXUDA PARA MATERIAL ESCOLAR OU TRANSPORTE DE ESTUDANTES NO CURSO 2019-2020

Nome:

DNI:

Enderezo:

Localidade:

Teléfono:

Correo electrónico:

EXPON:

Que cumpro todos os requisitos do punto segundo das bases para axuda á adquisición de material escolar ou transporte, e os ingresos do ano 2018 da miña unidade familiar, ponderados na forma establecida nas bases da convocatoria, foron inferiores ao 1.5 do IPREM anual.

SOLICITO:

Que me sexa concedida a axuda para adquisición de material escolar ou transporte, destinados aos seguintes estudantes que cursarán estudos no/s centro/s que a continuación se relacionan:

-Nome do alumno/a:

-Centro educativo Curso:

Documentación complementaria que se achega co modelo de solicitude (marcar):

- Fotocopia compulsada do carné de identidade do/da solicitante.*
- Fotocopia compulsada do Libro de familia.*
- Certificado de empadramento e de convivencia.*
- Fotocopia compulsada da matrícula no centro escolar ou universitario ou certificado do centro segundo o Anexo II.*
- Declaración responsable conforme ao Anexo IV.*
- De ser o caso, fotocopia compulsada do certificado do grao de discapacidade no caso de que algún fillo estea afectado por ela, ou resolución de invalidez.*
- De ser o caso, copia da sentenza de separación, divorcio ou nulidade, xunto co convenio regulador, en defecto destes, declaración xurada de percibir ou non pensión alimenticia a favor de fillo/a a cargo.*
- Certificado da entidade bancaria no que conste o código de conta do cliente para percibir a axuda de material escolar ou transporte. O titular de dita conta deberá coincidir co solicitante da axuda.*
- Xustificación de ingresos de tódolos membros da unidade familiar maiores de 18 anos que convivan no domicilio, da seguinte forma:*

a) *Traballadores/as en activo:*

a.1) *Traballadores/as por conta allea*

. Declaración de IRPF correspondente ó ano 2018, de non estar obrigados á súa presentación Certificado de imputacións expedido pola Axencia Tributaria.

Fotocopia das tres últimas nóminas.

a.2) *Traballadores/as autónomos:*



. Declaración de IRPF correspondente ó ano 2018, de non estar obrigados á súa presentación Certificado de imputacións expedido pola Axencia Tributaria.

☐ Fotocopia de pagamentos a conta do IRPF do primeiro trimestre do ano 2019, para empresarios ou profesionais.

b) Pensionistas:

☐ Xustificante da pensión/s mensual (INSS, ISM, clases pasivas, outros).

c) Demandantes de emprego con prestación/subsidio:

☐ Certificado de prestacións do INEM dos últimos 6 meses, con indicación da contía mensual que corresponda e período recoñecido.

d) Demandantes de emprego sen prestación:

☐ Fotocopia da tarxeta de demandante de emprego actualizada.

e) Perceptores/as de RISGA.

☐ A documentación figura no departamento de Servizos Sociais, polo que non terán que achegar xustificante da contía mensual.

f) Acollemento familiar remunerado.

☐ Xustificante da contía mensual da prestación.

g) Salario da liberdade.

☐ Xustificante da contía mensual da prestación.

h) Emigrantes retornados:

☐ Ingresos percibidos no país de orixe.

i) Outros: Se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar.

☐ informe social.

Guitiriz , _____ de _____ de 2019.

Asdo.

SRA. ALCALDESA-PRESIDENTA DO CONCELLO DE GUITIRIZ

ANEXO II

D. / D^a. _____, Secretario/a do centro

CERTIFICO:

Que o/a alumno/a _____, realizou a matrícula para cursar neste centro estudos de _____, durante o curso 20____/20____.

Guitiriz, _____ de _____ de 2019.



Asdo. _____.

ANEXO III

D./D^a. _____
_____ co DNI. _____, de conformidade co
establecido nas bases da convocatoria de axudas para a adquisición de material
escolar

AUTORIZO _____ ao Concello de Guitiriz a solicitar da Axencia Estatal
da Administración Tributaria a información tributaria que precise en relación á
convocatoria para a concesión da axudas para adquisición de material escolar.

Guitiriz, _____ de _____ de 2019

Asdo. _____.

ANEXO IV

DECLARACION RESPONSABLE

D./D^a. _____
_____ co DNI. _____, de conformidade co
establecido nas bases da convocatoria de axudas para a adquisición de material
escolar ou transporte,

DECLARO baixo a miña responsabilidade:

1. Que coñezo e acepto as bases da convocatoria e me someto ás actuacións de comprobación e á achega da documentación que o Concello de Guitiriz poida acordar para comprobar que as actuacións ás que dedique a subvención, no caso de que nos fose concedida, se corresponden cos fins para os que se solicita.
2. Que estou ao corrente das obrigas tributarias coa facenda estatal, autonómica e local, e coa Seguridade Social.
3. Que non estou incurso nas prohibicións para obter a condición de persoa beneficiaria, recollidas no artigo 10 da Lei 9/2007, do 13 de xuño, de subvencións de Galicia;
4. Que no teño pendente de xustificación ningunha subvención concedida polo Concello de Guitiriz.

Guitiriz, _____ de _____ de 2019"



DOCUMENTO ASINADO ELECTRONICAMENTE

A alcaldesa
María Sol Morandeira Morandeira

